

## EZTALAREN ERABILERA ARAUTZEN DUEN ORDENANTZA

**LEHENENGOA:** Eztala Antzuolako futbol zelaia futboleant jokatzeko izango da, beti ere, fubola sustatzeko asmoz. Hauxe du helburutzat Antzuolako udalaren araudi honek: instalazio horren baldintzak arautzea, hori guztia, ekainaren 11koa, Euskadiko Euskal Kirolaren 14/1998 Legearen xedapenen arabera.

### **BIGARRENA**

Zelaiari dagokionez:

Instalazioko elementu mugikorak ez dira belar gainean arrastaka erabiliko.

Debekaturik dago porteriak tokiz aldatzea.

Kirolen batean jarduteko zelai barruan tresnak ipintzea beharrezkoa balitz, horiek kontuz garraiatu beharko dira, arrastaka eramateke. Aipatutako tresnek kantxaren zoria hondatuko ez duen euskarri baten gainean egon beharko dute.

Debekaturik dago belar artifiziala honda dezakeen edozein jarduera, hala nola, edozein gauza jaurtitzea (pisuak, jabalinak, hondakinak, etab.).

Zelaian ezingo da hau honda dezakeen ezer jan (pipak, fruitu lehorrak, gozokiak, e.a.), ez edan eta erretzea ere debekaturik dago.

Futbol zelaian erabili beharreko oinetakoek, gomazko zolak edota takoak eduki beharko dituzte. Ahal izanez gero, tako ugaridunak izan beharko dute eta orpo aldean gutxienez 4 tako izan beharko dituzte.

Futbol zelaian ohikoa ez den edozein gauza sumatu bezain laster, udalari aditzera emango zaio konpon dezan.

Instalazioak erabili ahal izango dira alde zurretik programaturik edo baimendurik badaude.

**HIRUGARRENA.** Instalazioei dagokienez:

- Aldagela barruan ez da baloi eta halakoekin ariketa fisikorik egingo.
- Instalazio barruan gizalegez eta errespetuz jokatu beharko da.

Erabilera desegokiaren ondoriozko kalteak gertatuz gero, erabiltzaileari edo egileari eskatuko zaio erantzunkizuna eta berak ordaindu beharko ditu kalte-galerak.

**LAUGARRENA.** Lehenengo arauan ezarritakoaren arabera, AKE futbol taldeak izango du Eztalan ibiltzeko lehentasuna.

Bestetik, Lurralde Futbol Federazioak futbol zelaia 10 urtez erabiltzeko baimena du, 2009ko martxoaren 4an udalbatzarrak onartutako hitzarmenari esker.

Eztala libre baldin badago, txanda eskatu beharrik ez da izango, eta ez da ezer ordaindu beharko. Nolanahi ere, erabilera libreko orduetan hurrek, 18 urtetik beherako gazteek eta antzularrek izango dute lehentasuna. Kanpotarren aurrean lehentasuna beti antzularrek izango dute.

Eztalan gehienez ordubetez jokatu ahal izango da.

Eztalan antzularrek ez direnak jokatzen ari badira, eta herritarrek azaltzen badira jokatzeraz, herritarrek dutenez jokatzeko lehentasuna, kanpotarrek jokatzeari utzi egin beharko diote.

**BOSGARRENA:** ikasturtero, uztaileko lehen astean, ordu-eskaera txanda bat irekiko da, jendeak izena eman dezan, futbol zelaia erreserbatzeko eskubidearekin. Horretarako aukera dagoela udal baliabideen bidez jakinaraziko da.

Eskatzaile bakoitzak bere taldea osatzen dutenen izenak eman beharko ditu udaletxean, zozketa egin baino bost egun lehenago.

Abuztuan ez da erreserba eta ordu-eskaera txandarik izango.

**SEIGARRENA:** erreserba egiten denean ordu bererako talde batek baino gehiagok izena emanaz gero, talde horien artean zozketa egingo da. Nolanahi ere, Antzuolako bizilagunek lehentasuna izango dute, eta horrelakotzat hartzen dira gutxienez taldeko erdiak Antzuolako bizilagunak edo bertan jaiotakoak direnean. Libre geratzen diren orduak beste udalerrietakoan artean banatuko edo zozketatuko dira.

Zozketaren prozedura:

Lehenengoaren edo titularraren izena bakarrik sartuko da zozketan.

Eskatzaile edo talde-titularren izen guztiak lehenengo zozketan sartuko dira. Izenak agertzen diren neurrian, hauek asteko taulatik ordu bakar bat aukeratu ahal izango dute.

Ordu libreak herritik kanpoko eskatzaileen artean zozketatuko dira, eta prozedura berdina jarraituko da.

Zozketa jendaurrean egingo da, udaletxean. Horretaz arduratuko direnak kirol zinegotzia eta teknikaria izango dira. Kirol zinegotziak behar dituen ahalmenak izango ditu zozketa egiterakoan sortzen den edozein arazo konpontzeko.

**ZAZPIGARRENA:** Eztala erabiltzeko tarifak ordenantzen bidez ezarriko dira:

Tarifan zelaia erreserbatzea dago aurreikusita.

AKE salbuetsita dago eta ez du inolako ordainketarik egingo Eztalako instalazioak erabiltzearen.

**ZORTZIGARRENA:**

Izena emandakoei txandarren emaitzen berri Antzuolako jaien ondorengo astean emango zaie.

Hartara, erreserbadunek irail hasieratik egutegi berriaren arabera jokatzeko aukera izango dute.

**BEDERATZIGARRENA:** tarifak ordaintzea

Tarifen ordaintzak hileroko kobratuko dira transferentzia bidez.

Tarifa ordaintzen ez duten eskatzaileek ordu-erreserba galduko dute, beraz, ordu horiek hutsik geratuko dira beste jokalarientzat.

Tarifa kobratu eta gero ez da onartuko erreserbak baliogabetzea.

**HAMARGARRENA:** erreserbaren eskatzailea arduratuko da futbol zelaia lehen zegoen moduan lagatzeaz, hau da, garbi, txukun eta tresna barik. Bera izango da beti talde horren erantzule.

Eztalaren erabilera desegokia egiten bada, Udalak erabilera baimena bertan behera lagatzeko eskubidea izango du. Eta hala badagokio, zehapen bidea ireki dezake.

Aldagelak edozein pertsona edo taldek erabili ahal izango ditu, erabilera horren premia ikusten denean, Udalarari aurrez eskatu eta horretarako baimena ematen duenean.

**HAMAİKAGARRENA:** entitate edo elkarteetako ikasle edo futbolariak, kirolean dihardutenean, joko-arduradunaren, irakaslearen, begiralearen etabarren zuzendaritzapean egongo dira, eta azken hauek izango dira beti taldearen erantzule. Osterantzeko txandetan, erabiltzaileena izango da ardura hori.

**HAMABIGARRENA:** Udalak ez du bere gain hartuko Eztalan gerta daitekeenaren erantzukizunik; erantzukizuna edozein motatakoa dela ere: zibila, penala, edo administratiboa.

**HAMAHIRUGARRENA:** Udalak ez du izango kirolean gertatutako istripuen erantzukizunik.

**HAMALAU GARRENA:** Udalaren eskumenekoa izango da araudi honen aplikazioan sortutako zalantzen gaineko erabakiak hartzea eta aipatutako araudian aldaketak egitea, instalazioen erabilera hobetzeko helburuarekin. Indarrean dagoen araudia, tarifak, orduen eta erreserben taula futbol zelaiko oholean egongo dira.

**HAMABOSGARRENA:** araudi honetan ezarri ez denerako honen xedearekin zerikusia duen beste edozein legezko edo erregelamenduzko xedapenek diotena hartuko da kontuan.

**HAMASEIGARRENA: XEDAPEN INDARGABETZAILEA**

Indargabetuta geratuko da Eztalaren erabilerari buruzko beste edozein araudi.

**HAMAZAZPIGARRENA: AZKEN XEDAPENA**

Gipuzkoako Aldizkari Ofizialean osorik argitaratu eta handik 15 egun baliodunera jarriko da indarrean ordenantza hau.

